

三洞讚頌靈章卷下

島

三契頌

元始洞空无三氣精上門紫容煥太室四明  
植靈根妙化發東瓊三使啓西崑崙映九玄  
清五華帶錦雲離羅煥神燈七星曜北元飄  
飄上清微翼翼帶一尊落落高上章羽童何  
紛紛流香本無色洞入萬仙羣左迴三流劫  
右輪萬天關雲華纓玉雲八鳳舞空轉四時  
無停機青白早分明九九改劫運三三度一  
椿天地有終會否傲歸在播洞明正一法嚴  
終六天文

太早及空无奉翼後聖君靈風起西門錦雲  
生東瓊二氣煥玉洲流香秉煙經五華披風  
散倏忽朗九清霧林曜朱日黃華逐月生中  
有採芝童衣羽帶飛青麟景萬嶺峯道遠聲  
綠耕總御九空輪運開無稽程左命三天文  
右攝六天兵檢氣及空洞天度應運傾劫運  
自有會誰測成與成洪波滄雲網六合無遺  
形白尸飄長流孤魂因復寒悲此去來際方  
覺正法明至學加精修東華結瓊若欣有白

簡人相與樂太平

洞關運天綱五氣轉三微紫戶吐瓊簡金門  
納神暉八會交真風晃朗重冥開天際九清  
外落落高展迴三色返空无四候應玉畿河  
侯已鼓筆五行階相推六度無終劫運極乘  
氣歸萬魔羅天布羣凶竟吐威兆人負災衝  
積尸令人悲妙哉正法文復劫明不衰至時  
相奉迎契在九天扉與爾期太平放身無謂  
飛

妙哉三洞響寥寥何鈴鈴尊聲若有無運之  
不見形響音洞十方聽之不聞聲

大道須人弘遊心歸太空朝禮運十方昇度  
乘九龍飄飄起三界亦由雲中紫  
吾師天中尊超超無上皇仰觀地維表彷彿  
紫炎堂靈我玄都室但見仙人房

大洞經讚

大洞真經本大東淵深極奧極玄冥十方三  
世諸仙聖修習功成達始青  
三洞三乘本易難虛皇妙語絕纖瑕諸靈萬  
法歸宗祖解悟登躋浩劫家

帝王宰輔及公侯州牧諸官與庶流富貴榮  
華無別事總真大洞究玄猷

緇黃二教若殊途聞禮聞詩君子儒咸可誦  
持真大洞先天先地一虛無

全真學道眾王民萬法千門枉用心大洞仙  
經持萬遍虛皇老子自知音

世間文武及曹僚娼妓聞闢此比儔咸可率  
心持大洞罪根削滅與神遊

大洞真詮異眾經登仙入聖謁玄真饒經笑  
萬塵塵劫圓證虛皇无上人

吐我蠢蠢未明徒豈識浮黎黍米珠大洞度  
人元一體等閑平地達玄都

若欲修行達上乘爭如大洞幾篇經盡心盡  
性修身法悟得高昇大有庭

予因諸子錄斯經述頌稱揚讚此經功德純  
巍无盡藏虛皇妙道本无形

元皇天帝讚

始自蒼胡檀熾音結成雲篆度天人太玄道  
父親求受下世方聞大洞經  
大地凡夫學悟真仙源路杳實難尋欲知捷

徑無差錯口誦心持大洞經

宗祖前生善力難今主祿嗣願艱辛禱祈故  
得如君意何似勤看大洞經

日月无光若併吞星辰錯度天文上消天  
厄寧凡庶至士同宣大洞經

早魁為災兩若金蟲蝗水滂穀无成骨教重  
檢无飢饉祈禱全惠大洞經

工實農商與四民食求不覺業隨身忙中好  
割開心力習誦文昌大洞經

府庫資財甚滿盈兵戈永息樂昇平民歌有  
道圖長治報國勤看大洞經

社廟神祇與百靈欲求陞擢蓋无因遠名善  
籍增威力且暮須聽大洞經

眷屬宗親父母魂久留地府不起昇欲思為  
拔緣无力齋戒勤看大洞經

冢訟微呼累後人又兼謹告在天堂生生世  
世遺殃谷解止宜看大洞經

或為營修與築墳與工動土犯凶神致令宅  
宇多災谷解息宜持大洞經

行病年王統五瘟遍州歷里客生民保全鄰

族无傳漆嚴深同看大洞經

月尼年災久漆身尋醫問卜與求神不能解  
離无門告命道飯依大洞經

六親冤親男女魂冥冥漢漢在幽陰普教受  
鍊生天界好與頑看大洞經

六道冤家結得深冤冤相報幾時停欲令各  
各生歡喜除是聽聞大洞經

或為爭財或為嗔一時忿怒叫神明結成鬼  
訟何時了解雪无非大洞經

疾病喪亡不離身官災盜賊苦侵陵財消物  
散如水雪係枯當持大洞經

木石狐狸猴犬精抱磚放火現人形作虎作  
福求淫祀殄滅宜看大洞經

居處山林與僻行蟲蛇狼虎每傷人尋聲迴  
避无遺善住坐留心大洞經

士子儒生茅塞心神靈應對不聰明揮毫欲  
得如神助先好常持大洞經

如幻如泡是此身赤精神裏好修真保全形  
命同天在熱玩文昌大洞經

莫恃家豪積萬金天司奪祿易危傾有時正

好修功德割己刊行大洞經

一片真心達上清感通得授自三神此身位  
證天尊果只為勤看大洞經

聽我重言大洞經斯文玄奧果難名无遺功  
德莫思議普勸凡夫不可輕

元始天王說大乘有緣方遇此專經若能終  
始勤修誦共作文昌一會人

開度法輪偈頌

吾開八門中有玉城七寶瓊林無根而生金  
條穿五陰映上清開度法輪通真達靈上無

不照下無不明見有道士晨夕誦經長齋幽  
阜不倦晝冥切栢中食素水兼灑躬師受法

時刻不傾單景巖穴獨宿孤征與鹿為羣倚  
林棲形窮獸對躡飛鳥哀鳴風雲凄切萬枯

沈零凝冰填澗素靈醫庭寒癘切肌執志殊  
精契闕林岫難苦備嬰勞不敢倦極不敢寧

展轉求道遂感呈情丹書綠字列圖玄名神  
仙羽服錦帟飛青鬱然而降煥落天鈴霞霞

丹與三素飛新入我八門乃知死生皆由積  
行苦哉有情

滅度行業頌

法輪開滅度死生從願迴積基有明報福  
更相推世眼求前生達士希後歸前生功未  
滿故致福報遲藉先勸來行功備形自飛前  
世十方仙歷劫乃入微吾觀至學士乃不領  
人懷勤行奉師實師佑福藐藐輕師失吾實  
先功永無施勸誠成爾真三師度玄扉若能  
體道真法輪調自開莫見此寂寂幽冥中甚  
微

命根未盡偈頌

轉輪空洞魂滅度更死生罪福各有對吉凶  
無偏嬰得道行所致緣爾先身精行惡招斯  
酷流曳五苦庭天地雖悠悠玄鑒理甚明吾  
歷觀汝輩從師受吾經得經叛汝師始嫌事  
功名輒軒不自咎洽路吐怨聲致使六部司  
執筆糾爾形命滅負刀山苦惱身是嬰往反  
三塗中宜覺形與名化為六畜羣望反其冥  
冥法輪有常運去留無稽停哀此禍福无受  
報不實生念汝不知命發頌為備情

思念轉神偈頌

妙道轉我神弘普無量功道成天地劫輪化  
發九重滅度更死生緣對各有宗孰悟去來  
因形魂無始終積慶藉福基身拔五難拳脫  
離三惡道蕭蕭入闍空念度無邊境思定感  
神通法轉三度場轉成高仙公坦我大極步  
飄升太極宮

宿命因緣頌

不殺得長壽無痛常離苦一切受天位身安  
得所怙不盜常清貧自然錢財聚七寶為宮  
殿歡樂當安人不淫則不亂身體常潔淨所  
生當端正行德自聰明不欺口氣香言語常  
忠貞所說出元道談論使功成滴酒不過口  
無有謬誤事常願見華實得使天人侍壽終  
昇天堂二十五神迎萬福自未降光影恒煌  
煌

布施得大福錢財自然來所生常尊貴傳世  
受歡欣持戒常敬敬奉受於九尊精敬不犯  
惡保得身長存忍辱謙下人嗔怒不形口罵  
詈忍不應祿壽常自然精進不忘懈念道常  
得真所行合於道壽終為天人念真心不退

忠信不妄言供養諸道德所生無難難能行  
此六善輒得生為人面色端且正自然成貴  
身

慳食不布施私竊不養親藏財貪妄貴不放  
老窮人妻子及下使不衣視飢寒端坐守財  
物致為餓鬼殘身不見飽足苦毒生瘡癩東  
西乞不得家族悉滅殫造作弄口舌生死被  
剝殘洋銅灌其口拔舌過身半沃口強令咽  
入腹腸胃爛生時不念善死沒被塗炭疽惡  
輕凌人被考數萬年罪畢後身出便為下賤  
人元惡好殺害盜竊及強梁形殘入地獄萬  
劫被災殃

常行盜竊心負債不肯還殺生好田獵非法  
作俗緣執行無誠信小言輒恚嗔罪惡不自  
覺好邪不信真後生墮畜生牛羊驢馬類臭  
惡恒負重如是拷萬劫內淫犯干逆雷電所  
槌殺死沒地獄中倒懸被火焯弄口謗真道  
後生極苦難洋銅灌其口常抱飢且寒  
布施常不惜普濟令眾安即身受清貴世得  
見升仙供養好道德齋戒見真靈靜念心不



懈七祖昇天堂忍辱無嗔怒生輒得正端學  
問好道德得為人中等行心能柔和謙節下  
於人救急度危厄剋得延命長敬奉靈寶戒  
明練九宮道委心信虛無壽與天同光

正有癡愚者驕慢於二親無有恭敬心後生  
卑賤人見實不恭禮違突於長者執行不慈  
孝後生為奴婢木食仰於人驅打無晝夜受  
生恒苦惱死不得免度放蕩好淫色至不信  
鬼神後生受飢凍所作逢難難負債及呪詛  
貧苦罵先祖後生作牛羊為人所困苦

篤信好生道慈心常哀哀素冷身清潔化後  
登天機恭奉於三寶不驕於二親至誠不欺  
詐是行忠孝人謹口不妄語行心周一切勸  
人遠罪自念法不違戾周窮救危急功德甚難  
重增算益年壽終身受欣泰結友行義弘相  
敬如父母閉惡揚善德孝悌感神靈  
欺詐好妄語常無至信誠心口自相反恒受  
微辱形悖惡好誹謗死落地獄中洋銅鑊其  
口若毒長冥冥酒好罵誓不信有鬼神鐵  
鉤著其舌痛惱當可言脫當生人中口氣常

腥臭為人所憎惡眾人所起注焉念常違違  
所向遇罪刑無端橫受羅痛苦靡不經死復  
還地獄後身作畜生展轉五毒中愁惱慘辱  
生

奉敬歸三德宣化勸善事願得見仙賢長得  
真人至願撫一切賢與我等無異吾我心平  
弱練練道百誠晝夜勤修學智慧為天人尹  
生西地化普使知道真為好思仙真積念無  
不同先願昇虛遊上與希微通積善不欺多  
布惠勿吝惜功德感仙真自然降丹藥

沖妙先生朝天讚頌

上帝降命聖算綿長全枝挺秀玉葉彌芳五  
星順序七曜垂芒赫赫煌煌空洞靈草福我  
聖皇寶祚無疆天清地寧萬宇輝光  
西靈聖母貴曳瑤瑤鸞臺鳳閣宸殿與虹  
光貫斗月瑩太虛穆清宮禁永鎮天居  
挺秀雅熙運日奉至尊前身居龍鳳閣名籍  
繼諸仙燒香謝天陰長誦希夷為千生珠百  
福列位清微天水處道遙境長身福自然  
天生明哲來贊昌期永棣玉峭鳳質鸞姿爨

調元化力贊雍熙農歌綠野兵戢四夷長臻  
五福永集天祺  
煥赫空洞章靈音震九天至真開寶應傳受  
希夷為寶偽今仍遇靈文拔祖先救度長夜  
魂上登朱陵天度心專所奉朝謝虛皇前

玉帝宣天旨普放幽夜魂八難俱解釋五道  
悉開通都都絕報對上朝朱陵宮奉生悟至  
道永享福元窮  
玉京元始尊生成萬化主靈文告三官下開  
九幽府都吏鑿獄慈悲灑法雨洗滌諸罪  
魂咸皆得超度

傾心朝太極玉帝降洪恩天符宣地府開度  
長夜魂幽都解七祖靈符告三官神仙同接  
引上朝朱陵天永脫罪業根長享福自然  
金闕大聖主天地萬靈師慈悲灑甘露洗滌  
諸塵迷廣演空洞章徧使悟希夷救拔八難  
苦拋離五濁泥超度六毒海永謝貪嗔癡神  
仙同接引逍遙上太微  
玉帝垂靈既天宣告萬靈救拔九幽苦廣演  
三洞經名奏南丹府魂超北寒庭永離炎鏡

獄徑出水他城神仙同救度道遠上太清

救苦讚

吾師天中救苦尊常善化形十方界以此威  
光與大慈救彼衆生無量苦九夜重昏幽暗  
府普令麻照生光明牛頭獄卒盡成仙一切  
沈魂皆解脫

四目老翁地祇頌

五炁玄元真演法度迷津像外無法像真中  
求至真迷悟在心悟心靈法自靈神本無所  
法生神心自生我心若專一神明隨心行至  
理本無說至道本無言有像皆爲偽神靈類  
我靈欲透妙中妙寂靜觀內心內外無毫滯  
透洞心無心心已無名像自然起仙廷抱一  
成真一逍遙登太清

五湖真經頌

稽首虛无无上帝慈悲救苦大慈尊神光百  
億照中昏過覆意雲濤法雨破石淙冷無間  
獄五湖五海五池盆玉籙大赦諸罪魂解脫  
沈淪萬劫苦鍊形度命朱陵府悟道登真衆  
妙門巍巍功德難思議水爲衆生作慈父

拔罪心印妙經偈頌

大道澄廓元理幽深先天而生運化古今道  
無形體澄澆身心不食不慾不嗔不淫是非  
莫識表裏思專身心清淨煩惱不侵無起無  
滅冥漠難辨湛然空寂了心無心自然合道  
衆聖來欽昇朝金闕遊觀壽林七祖解脫永  
離幽陰皆契心印悟道合真念念相繼勿起  
塵心

三洞讚頌靈章卷下

正一天師清微弟子 洪百堅 製  
道教學術資訊網

宋真宗御製玉京集卷之一

官一

謝瑞來表一道

玉皇

嗣天子臣某 誠感誠慶頓首頓首再拜  
上言臣比者朝真之禮雖徇於後來若屬之  
心實虞於涼薄願惟福壤遽顯祥徵俾彼膏  
田再生嘉經觀靈休之協契知天意之眷懷  
祇荷降禎益思自勵臣無任感幸激切之至  
謹奉表稱謝以聞臣某誠感誠慶頓首頓首  
再拜謹言

謝祥瑞表三道

三清

嗣天子臣某 誠感誠慶頓首頓首再拜  
上言臣伏以龍井禱壇積靈格而願拜福庭  
太室揆言日而告期枚卜攸同多儀斯薦高  
旻降鑿嘉應發祥內顧眇冲誕膺於介祉永  
惟勵翼用答於凝禎臣無任感幸激切之至  
謹奉表稱謝以聞臣某誠感誠慶頓首頓首  
謹言

玉皇